

Najčešće postavljana pitanja vezana za provođenje Javnog poziva:

#### Tačka V stav 2. Uputstva

“Pored toga, sredstva se mogu pravdati uplatom minimalnih plaća sa doprinosima za radnike koji su zatečeni kod podnositelja zahtjeva na dan 30.09.2020. godine i koji nisu otpušteni voljom poslodavca.”.

#### Pitanje 1:

Da li radnik kojem istekne Ugovor o radu spada u uposlenika koji je otpušten voljom poslodavca, odnosno da li takav poslodavac ispunjava uslove za učestvovanje na Javnom pozivu?

#### Odgovor 1:

Uposleniku kojem istekne Ugovor o radu u periodu za koji poslodavac ne može smanjivati broj radnika ne spada u one koji su otpušteni voljom poslodavca. Naime, Ugovor je dokument obostrane volje ugovornih strana i zaključivanjem istog obje strane su se dogovorile i o trajanju Ugovora. Dakle, poslodavac u navedenom slučaju ispunjava uslove za učešće na Javnom pozivu.

Poslodavac kojem se desi navadeni slučaj, neće moći opravdati dobijena sredstva za onoliko radnika kojima istekne Ugovor o radu i za onoliko mjeseci u kojima ima manji broj radnika u odnosu na broj zatečen na dan 30.09.2020. godine, te će ista morati uplatiti na Budžet/Proračun o čemu će dobiti upute prilikom potpisivanja Ugovora o dodjeli sredstava. Sredstva za radnike se dodjeljuju za tri mjeseca i proporcionalno tom iznosu odredit će se iznos sredstava po jednom radniku za jedan mjesec.

U ove slučajeve spadaju još i: radnik koji samostalno podnese zahtjev za raskid radnog odnosa, radnik koji stekne uslove za odlazak u penziju/mirovinu, radnik koji umre i slični slučajevi koji ne zavise isključivo od volje poslodavca. U svakom opravdanom slučaju prijevoznik mora imati dokaz (Ugovor o radu, Zahtjev za raskid radnog odnosa i sl).

Prilikom praćenja korištenja sredstava, nadležna Komisija će od porezne uprave tražiti podatke o broju uposlenih na dane 31.10; 30.11 i 31.12.2020. godine i sravnjivati sa podatkom o broju radnika na dan 30.09.2020. godine. Tako će utvrditi da li su sredstva dobijena za radnike prijavljene na dan 30.09.2020. godine pravilno korištena ili dio treba vratiti u Budžet/Proračun.

Pitanje 2:

Da li se dokumentacija može predati na protokol u Sarajevu?

Odgovor 2:

Dokumentacija za učešće na Javnom pozivu se predaje u Mostaru na protokol ili putem pošte na adresu: Federalno ministarstvo prometa i komunikacija,

Ulica Braće Fejić bb,

88000 Mostar

Pitanje 3:

Može li na javnom pozivu učestvovati poslovna jedinica?

Odgovor 3:

Na Javnom pozivu može učestvovati poslovni subjekt ili fizičko lice koje ispunjava uslove iz predmetne Uredbe i Javnog poziva. Dakle, poslovna jedinica učestvuje u okvirima cjelokupnog društva, a ne samostalno.

Pitanje 4:

Koje Licence se trebaju priložiti?

Odgovor 4:

Prihvataju se tri licence:

- Licenca za obavljanje međunarodnog prijevoza putnika (Izdaje je Ministarstvo komunikacija i transporta BiH) **ili**
- Licenca A – za obavljanje javnog linijskog prijevoza putnika (Izdaje je Kantonalno ministarstvo) **ili**
- Licenca B – za obavljanje javnog (iz)vanlinijskog prijevoza (Izdaje je Kantonalno ministarstvo).

Pitanje 5:

Kakva je to izjava o sukobu interesa?

Odgovor 5:

Izjava ovlaštene osobe za zastupanje pravnog/fizičkog lica za sumnju u sukob interesa za člana/članove Povjerenstva sa obrazloženjem (**dostavlja se samo ako postoji sumnja u sukob interesa**);

Sukob interesa najmanje uključuje da član Povjerenstva:

- a) nije osobno, niti su članovi njegove obitelji (bračni ili vanbračni drug, dijete ili roditelj) nisu, zaposlenici, članovi, članovi upravnog tijela ili rukovodioci kod podnosioca prijave,
- b) nije povezan na bilo koji način sa podnosiocem prijave ni kod drugih osoba (partnerski odnos u provođenju projekta i sl.),
- c) nema materijalni ili nematerijalni interes u odnosu na javni interes i to u slučajevima obiteljske povezanosti, ekonomskih interesa ili drugog zajedničkog interesa,